

旗易三先

東粵黃  
家匪杰

三



少峰草堂集

林應亮著



少司徒少峰林公行畧

同郡葉何高撰



余小子辱與道茂憲副連獲拜司徒公堂  
下觀公貌甚溫而禮甚恭報謁諸公不問  
寒暑罄折周旋翩翩若仙而所談皆天下  
大計不及私心竊斃公前歲憲副起家浙  
臬念公忘欲上書不往公屢促治裝且  
屬余小子曰幸語楚也亟行矣

國恩之謂何毋以老夫爲念老夫專視聽健  
飲啖如昨孺子何慮以廼憲副竟逡巡不  
忍發未幾公捐館全憲副得視含哭盡哀  
邦人士莫不津津憲副幸而嘆公之老不  
忘君真大臣也公歿而兩臺使者爲闈于  
朝予祭予葬如令甲將葬憲副欲謁當代鉅  
公銘其墓猥以狀公命余小子小子推不  
文烏能狀公萬一第竊論其世云爾公年

應亮字熙載別號少峰福州候官人也父  
爲貴陽守旗峰先生大父則贈戶郎公汝  
和自贈公而上以孝廉顯者七以明經顯  
者四其居候官北嶼則自五代蜀奉節令  
文蔚棄官歸隱始是爲公始遷之祖累傳  
有官宋戶部侍郎士衡者父子羣從並第  
進士以八至今艷其盛益與公稱兩司徒  
云公生有奇表年十二從旗峰先生宦都

下賦三忠祠長律鄭吏部善夫覽而奇之  
妻以文曰孺子非常人嘉靖戊子領鄉書  
爲貢溪江公所賞識壬辰會試以三禮魁  
多士釋褐知穎上縣穎上故苦苛政聞長  
吏至輒亾匿公善拊循不浹月而逃逋盡  
歸調浙秀水當三吳孔道煩簿書而苦供  
億吏奔命不暇給公調停有方事事精辦  
能以節惠自將吏民畏而懷之故事官令

所需一切倚辦里胥日役一人謂之掛  
公至立裁之賔至出俸金治具廉聲大噪  
有道人寄蕭寺中一夕被殺無主名前令  
蔽罪主僧僧不勝拷掠誣服矣公訊獨疑  
之竟跡得殺者主名迺布工王刷經也抵  
布工罪破械出僧一郡驚爲神明又雅好  
進諸生爲闡釋經義甲乙其誦無不人人  
心厭從他郡執經至者纍纍嘗與名僧倡

酬篇什往往傳吳越間而邑事益治吳越  
間言風流文章無出林令君右者甲午入  
簾充分校得人爲盛明年韓公應龍擢  
魁後汪公鏗官至學士宗伯本公所取士  
也晉戶部湖廣司主事秀人夾道遮諶公  
舟不得發父老有泣下者既禮部祠祭司  
主事用夏文愍薦奉

青辦事

誥勅房一時訓詞爾雅久之不樂供奉爲青  
詞力求出爲精膳司員外奉

命使兩廣遷主客司中郎便道省覲卽家拜湖  
廣常德府知府常德宜楚西鄙接諸峒蠻  
當滇貴之交民彫敝而

榮府官校又挾

王勢齟齬人號稱難治公下車一以刻臬  
獷殖柔良以本首核兵餉節郵傳縛官校

不法者置不理

王悔謝公諸巨璫屏息搔手戒毋犯常德  
守乙巳歲大稜流民磨至公命吏治糜餼  
之躬自按視畀以醫藥所活甚衆密籍大  
室閉糴者名召至郡庭溫言撫之俾回受  
宜歸出粟民迺不饑在郡務約已裕人官  
舍地竟遷去不更葺而爲民修石櫃堰則  
不憚勞費爲百世規遷廣西按察副使去

而民其尸祝公也副使備兵府江府江故  
徭獐出沒地公至慎哨守明賞罰控馭諸  
土司皆爭爲公盡力徭獐望風斂跡丁內  
艱服除補治兵贛州其方略一如府江時  
陞山東右叅政分守登萊御史方上鑿膠  
河議公極言力詘舉羸非國長計且河工  
必不可成衆咸是公議遂格三齊按堵公  
之力也陞東按察使威名籍甚嘗法勢

家奴謝諸三平清遠四會寇皆以勞再受  
賞陞廣西右布政使當軍興後身攝十餘篆  
裁決如流轉左提調鄉試是歲賢書列藩  
推廣右第以多出公手拜南京太僕寺  
卿在滁與故太宰胡莊敏公定交嘗條具  
馬政利弊十餘事擢都察院右副都御史  
總理河道河不害漕入爲南京戶部右侍  
郎候代彭城適

景府將之國公預敕沿河長吏治餼牽毋  
煩代者南戶部新值振武營變人心洶洶  
公以鎮定佐尚書衆志遂定以原官改北  
督倉場公自念束髮登朝備位亞卿終不  
能俯仰當塗取貴且家大人老矣如烏鳥  
何遂力請告歸築且閑堂願老軒以見志  
嘗從旗峰先生北嶼中歌舞爲驩先生滿  
百歲公皓子舍耄講鞠脆率憲副爲壽



先生前邦，艷之先生歿，公旦夕孺慕，不以老而殺哀，撫二庶弟，與語惟恐傷之。其孝友天性也。少好稱詩，爲古文詞，與西蜀任少海、溫陵王道思、吳興蔡子木、長洲皇甫子安最相善。以詩文相切劘，詩得王孟，陶韋之趣，文倣歐陽文忠公，皆爲秣林所贈炙，徒以入仕後，雅稱經世之學，遂不究其業。暮年在，所論撰多削藁，其存者十僅二三。然斯已足傳矣。嗚呼！公之精神才力，毋論其大，卽出其緒餘，爲厭薄不經意之業，猶能絕塵而超世，蓋如此也。

葉生曰：公起家邑令，荷

肅皇帝特達之知，致位卿佐，不爲不遇。躋上壽，脩然仙去，不爲不久。父貴陽守，而子實副天倫樂事，不爲不備。得全全昌，公斯極矣。乃世論公，又以公通材朗識，遭逢

聖明而不至。用爲恨。嗟夫。誰知公之不大用而無不用者。則以有憲副在也。且公不盡用其緒餘于天下。而收其精以治身。天下不及當公之身。竟其用而欲需用于其子。則公倦倦勉憲副以無忘。

國恩也。則亦庶幾乎不用之用哉。公意遠矣。余是以論而次之。以俟採擇焉。

少岑草堂集



侯官林應亮著

同邑孫昌裔較

五言古詩

春夜有懷

節序若流雲。陽和應東陸。嚴風日夕解。春氣散微燠。粲粲明夜河。融融當戶燭。纖月出高隅。素影澄梁戶。披衣起延立。懷人在浚谷。昔

少華草堂集  
爲雙飛鸞阿閣互棲宿采秀紛金英冥飛將  
黃鵠在約不希腴處葵寧避蓼雲盡丘岫微  
山空桂樹馥矯首欲褰裳崇阿藝桑竹

冬日悼志

截截長安道皇皇車馬行歌鐘流綵幄輕幃  
蔓長纓借問誰家市廉藺當時名華英番薦  
拔炙手爲公卿一朝門地易賓客互相傾睠  
彼金塘葉婉孌笑朱明或如凌風樹磬折摧  
華英哀縈會石蓋展轉何時平感此因自悟  
冷然塵網輕生非廊廟質聊爲簪組嬰吾方  
問箕穎高揖洪崖生

發白馬

轅門列戎裝倚劒薄秋霜將軍策白馬結髮  
事窮荒車箱太行險箭栝陰山長逍遙一振  
怒飲血天爲黃未能卷金甲嗟哉鳴驪驢甘  
泉烽火近速六平安章

七言古詩

至日懷玉阻雪

去年至日越江臺  
津水芳原欲早梅  
今年此日卷行衣  
吳楚間關雨雪飛  
窮峽愁雲凝作  
霰陽崖積雪看成練  
僕馬淒涼苦不前  
泥盤坂曲山之縣  
驅逐微名幾問津  
何如歸去舊山貧  
却恨終南朝市路  
羞見江東節物新

落花篇

東鄰昨夜飛紅雨，落花如霰隨風舉。千叢綴綺謝繁枝，九陌垂青隱芳樹。憶昨芳妍乍放時，含娟凝艷騁容姿。盈盈絳幘承曦暖，燁燁瑤英泛露滋。地擬崑崙溟濛作，帷門連閭闔玉雕題。崑崙溟濛闔闔非人境，喜得繁華薦清景。共訝同心照日開，坐憐竝蒂臨風整。鳴絃伐鼓闕春菲，列彩飛觴延晝永。爲君催曉下朱樓，爲君懽燕淹華省。朱樓春晝遲，雕闌色色自稱竒。蝶翅輕穿翡翠簿，龍柯誤觸鞦韆絲。名園豈辨烟和樹，名卉難分茵與芝。名園名卉色非一，奪目樞華紛轉日。總多富貴衛張門，不讓風流王謝室。風流富貴擅誰家，照耀縱橫本自誇。別有仙葩吐僊種，疑從瓊島泛瓊華。綠碗斜攢珠藥樹，玉盤遙挂赤城花。萬斛香中貯耳露，五雲枝上護流霞。霞飛露染春光暮，東鄰遠客西鄰戍。鸞鏡佳人愁裏

看鴈門征客暗中度此情難語北征人此情  
偏入東家嬾百轉鶯呼作怨聲一葉花飛減  
粧素鶯花歲晏可重新節物朝來已非故簇  
陌游絲逐颺空垂隄斷梗向流東含香故弄  
粧臺上襲暖偏留舞袖中含香襲暖竟何處  
乍入東墻復西署悠揚未識飄零歸寂歷如  
隨風雨去暫驚棄萼忽辭叢何況飄廊無委  
路隨蓬不戀故根春衝燕寧知托巢羽梧桐  
井畔暎光寒桃李蹊陰暮色闌蟋蟀機殘催  
錦字鳳凰樓迥乏青鸞青鸞錦字總迨絕見  
此令人心欲折敗葉逢君可贈題孤條感妾  
能生藥掇葉攀條聊自持迴簪轉黛顧容儀  
茱萸錦上紅塵恨楊柳聲中玉笛悲三千圖  
畫憐芳跡十二闌干凋翠眉青苔忍誦蘼蕪  
調紅樹曾題芍藥詩題詩欲寄遠行客春風  
相憶故園陌瑤池千歲始重看錦瑟三春勿

輕擲 石房 雲條 石

暮相思

瑤階落景漸西沒  
花霧如朝已歇  
微風初度  
梵臺鍾素影遙澄  
珠簾月月影  
珠簾鈎半垂  
金釭獨照思欲絕  
試調鸞瑟撫龍琴  
思君不顧空留音  
流音飄入陽關去  
散作春風吹錦  
衾錦衾鳳凰翼  
錦帶鴛鴦飾  
關山幾度暮相  
思  
夢魂得見君顏色

警至

中朝節鉞事邊防  
百萬營屯列大荒  
赤羽紅旌排日月  
青驪紫鞵縮銀黃  
總聞高闕天爲  
塹直繞長城代有疆  
北枕鴈門通鎖鑰  
西連榆塞列金湯  
檄書近報羗胡逼  
烽火驚傳斥堠長  
兵仗盡同華地制  
夷謀多雜漢中  
良游軍劫寨誇功捷  
大將搜邊速禍殃  
况屬冬嚴當合濟  
就令宵遁孰傍徨  
塵埃險路千旂簇

貂珥轅門萬刃張。漠漠陣雲吹朔雪。翩翩衣  
甲帶晨霜。連堡誰有當。關力失銳。寧論後乘  
亡。已罄軍儲。糜虎士。還聞戰馬選龍驤。喜看  
廷論紆籌策。想見兵機密。贊襄五道揚。鞭迺  
組練三河直。指掃攬槍玉。簫宛轉趨函谷。金  
節飄搖奏未央。坐制清平歸李牧。何愁警斥  
間馮唐。車書冠冕通胡越。禮樂蕭韶感鳳凰。  
四海春耕人自樂。儒生拭目頌時康。

擣衣篇

空庭無人清夜長。擣衣數數秋風涼。閨中少  
娘筋力薄。倚石不寐聞啼螿。啼螿忽急憂思  
遽集。魂飛淚垂。不覺袖濕。君子遐方。賤妾空  
牀。明月滿地。何心可忘。女蘿小草。結髮偕老。  
中道分離。悲傷盈抱。悲傷悠悠。勿復道。清砧  
復挾衣。復擣邊城八月嚴霜蚤。

當窓織



少陵草堂集  
秋月隱簾櫳流螢度碧空卷帷待月鴛鴦機下  
十二闌干煙色中寒蛩淒淒無促織錦字機  
中長太息明珠未解紅羅襦素練難成鴛鴦  
翼斷絲凍指不盈機邊心夜夜夢魂飛逢人  
未話青鸞信裁成空作玉關衣玉關迢迢隔  
重雲遼水新傳夜覆軍空勞少婦閨中方戰  
骨不收河上墳

田婦行

柔桑冉冉葉正黃蚕行待飼盈籬筐小姑日  
午慵卧起男丁荷畚饑游塲昨日官司屢徵  
促惡吏誼呼兒驚哭少婦乞緩輸官期須信  
登場與登軸山頭虎兇窺墻崩夜來圈中失  
黃犢

游俠篇

長安少年事然諾結駟干塲走城郭斗酒過  
逢意氣生垂鞭指點烟塵落東風三月城西

柳走馬河橋幾迴首流鶯啞啞度青枝芳樹  
幢幢臨翠牖乘春襍踏綺羅群鳴絲急管何  
續紛玉缸彩榼遞相送錦帳花叢爛不分  
史宍蓋出南陌河橋遠望車塵紅路傍辟易  
稱誰子始信長安游俠風長安游俠重相逢  
雲裳寶映搖青葱酬恩欲冠三千力殺怨豈  
避萬眾中酬恩報怨殊未已九馬雙韃氣如  
虹未得承恩先破虜願言取醉學從戎花邊  
立馬弄杯筭玉觥鸚鵡真珠瀉脫劍飛邀信  
陵朋探丸直入新豐下新豐歌舞舊繁華蛾  
眉翠黛顏如花一曲那知折楊柳千金不惜  
教琵琶自矜磊落無所比眼前肝膽颯然起  
緋衣策籍執金吾紫閣連翩賜珠履一朝天  
子重豪名材官募入子弟兵交河兩地帛書  
絕長樂千門烽火明虬鬚燕領藏深澤紈褲  
貂冠發禁城躊躇欲挽長征轡灑淚金闈不

敢行

賴陽行別穎上諸父老

我生本負烟霞癖誤入名途策仕籍觀光不  
得列鴻鵠心事飄飄托鳧鳥少年帶印來賴  
陽賴川名郡古循良庭空吏散槐陰寂花落  
琴鳴日影長祇言編邑聊安處風塵奔頓乃  
如此破膽時遭官長喚折腰寧論達士鄙歲  
時盃酒不任情囊空頗覺淒涼侵竊祿唯堪

萬丈碧屏風九疊開青冥十二樓閣連五城  
橫空搖曳拔五嶽陟絕玄廓傾滄溟祖龍欲  
涉扶桑樹鞭血驅之不得去鬼神呵護時有  
聲截薛卅山風雨暮天風吹流度石梁銀河  
倒挂北斗傍玉龍飛出紫鳳舞青蓮金粟紛  
紛香山人元是長庚魄海天長嘯無人識興  
來曾把圯上書醉後倒著安期屐吟成梁父  
思有餘有才不謂承明廬十年高枕深山臥

少卿草堂集  
翻咲虞卿愛著書

阮翁

心秀脉隆崇盤地軸錦繡溪前春草黃百尺  
樓臺煙樹綠南陽臥龍昔未起誅茅結屋汶  
之涘采霧光迷上蔡花青霞遙結宜春綺芙  
蓉靄壁覆蒼雲蘭麝香風吹錦水蒼雲錦水  
清徹脾英光直欲侵虹霓殿前作賦聲曼玉  
旭日發瑩舒金絲青驄早踏鳳凰陌繡袍猶  
帶煙霞色執斧風傳草木知埋輪聲動豺狼  
息君才逸邁不可羈未應莫舉便棲遲數猷

須贊神堯力濟世端酬謝傳奇瑤田歲寄玄  
洲嶼茅屋長棲綠野許金門拂袖賦歸來徂  
記餐霞洞中侶

松崖行

吾聞武功之山高巖從跨絕千里亘天中層  
巒疊嶂不可以獨往六月積雪吹寒風中峰  
懸崖倚絕壁巖巖拔地岫立金芙蓉上有百  
丈千雲松飛枝夭矯以鳳舉偃榦蜷曲而蟠

龍雲騰霧擁倏變換此樹閱世無春冬其下  
虎豹白晝啼磨磨哀狺鳴相從有時電雨四  
壑暝霹靂夜擊巖泉迸饑兕據壘寒猱憑高  
神靈雜遝群引而呼號矯若天吳躍海鼓萬  
壘之波濤雷收雨霽披蒼靄清風嘈嘈引天  
籟遙空縹渺聞鸞笙仙人晝下翻雲旆吁嗟  
乎世間草木半彫落仰視霜崖何峭嶮槿花  
朝已零蕪露悲何託天生節操安用哉此物

少師草堂集  
備經冰雪來古來人物亦如此盤錯會須廊  
廟材君不見南山竊戚歌白石維陽賈生長  
太息又不見豐城劍氣如虹霓神物離合自  
有時

安平觀漲

南州積雨霖不開噴沫奔流湖際來平田閃  
閃沒牛背樓顛棟脊驚崔嵬蝮蛇入室鷄棲  
屋惡少捨船駕平陸垣沉突毀不可支白日  
倒地尚淪伏白日難令照屋下種田在潦泥  
在舍停耕棄屋何所爲河隄堰岸官催壩

送包侍御蒙泉還

闕無訊王石沙錢海山侍御皇甫郎中

崑渚秋澄畫鷁明沙原日耀綵旄輕葉飛鴈  
度霜空靜柱史乘秋天漢行山城水驛鷄聲  
裏雲壁霞關盡成綺金鼓晴開海上峰白雲  
遙引江東水江東寶婺射天長稱觴獻壽上

高堂皂蓋朱輪翻日影花筵錦幃照湖光憶  
從射策謁龍墀九陌三衢躍馬時醉裏垂鞭  
紅杏寺朝圓分署白雲司平生奇氣頗難狎  
與君傾倒似憎遲長缺空彈客中宴上書豈  
識公車務春條躡騎縱清沙夕漏談禪撫祇  
樹雲錦相投春草篇瑤華驚覩天台賦詞壇  
錢起擅風流清逸時惟王子猷當場誰是齊  
驅者乃有皇甫真其儔往往持盃稱阮謝時

時落筆駕曹劉聯鑣結駟趨華閣振珮鳴璫  
羅丹闕倚玉何慚伯仲親登龍叨附聲名末  
塵飄蓬轉歛飛揚翻覆雲泥迥不常君時出  
佐東山郡余亦乘鳧下潁陽淮沙衛水音塵  
隔海燕江鴻愁緒切案牘疲形眉欲摧拜迎  
乍習心猶折羨君早致青雲中吳越才華御  
史聽南北臺端看棣萼英雄網內識人龍鳳  
池昨拜絲綸命鯨海秋馳霜電勁雲石三山

節序臨煙蘿九曲清光映星槎一問斗牛濱  
龍劍雙含河漢津揮毫數擲連城壁解綬欣  
留故國春春風歎我越溪漁濁酒彈琴塵一  
區寂寞誰過草玄宅窮愁抵有茂陵書自從  
乞身歸巖壑壯志榮名看轉薄故人尺素絕  
鱗鴻末路新游盡臺閣多君風誼聲遂慙媿  
我雲棲真瀟落感舊尚慚范叔寒論知更有  
鮑生託只今邀我五雲間且爲明時一破顏  
江潭客散寒楓淨海樹歌殘春色還相期紫  
陌花盈甸相憶滄洲雪滿山丈夫卷舒有何  
意鳳舉鴻冥自等閒

江頭聞鶯

江頭煙柳拂梢低無數新鶯相喚啼繚繞穿  
花清旭外間關刷羽綠陰西鶯聲柳色自年  
華却在寬閒野水涯空將律呂隨飄絮在對  
紅芳惜落霞幾群爭得上林青繡翻黃冠碧



玉翎瑤臺似奏調鸞韻錦樹如懸雜珮馨秦  
女停箏模別調燕姬罷吹按歌屏太液池宜  
春苑鳳輦乘春行近遠總多百鳥寂無聲喚  
取三春驚欲晚胡爲清影在江鄉巧轉微吟  
斷客腸淒涼不受黃金彈搖蕩羞羈玳瑁  
梁

飛來山房歌

天丁運神斧鑿此崖峩峩飛來傍東海光  
灑霰陽崖積雪看成練僕馬淒涼苦不前泥盤  
坂曲山之縣驅逐微名幾問津何如歸去舊  
山貧却恨終南朝市跡羞見江東節物新

少峯草堂集

五言律詩

昌平道中晚作

歲晚昌平道  
千官歷翠微  
霜封陰殿瓦  
雲染祀臣衣  
騎火通幽谷  
巖鐘散御幃  
仙游憶空樂  
杳杳六龍飛

大慈仁寺燕集

招尋同出郭  
駐眼近青陽  
雪裏脩篁色  
鐘邊

曉梵香雲霄留寶地殿閣闕龍章從此追懽  
數無勞歎異鄉

其二

冬旭散晴川蒼茫郭外烟幽期一以赴靜性  
自能便明霞絢石閣清磬發雲天不盡登臨  
興遐思旅雁邊

移舍

卜室已云遠移居今轉幽天風初下葉散地

最宜秋屏跡袁安宅銷憂王粲樓時聞有星  
變猶媿薦紳流

湖上

漢廣無邊際風帆信所如晚湖菱葉上南國  
稻花初海氣連雲幕鷗群近釣居元王舊臺  
閣涼月下星墟

江浦卽景

野涼分淑景煙雨泝洪流龍氣千峰暝潮聲

六月秋魚床侵斷浦山磬隔荒洲向夕誼歸  
渡茅茨人語幽

濠梁晚作

星月臨荒甸帆樯映夕洲濤聲開泗澤地勢  
擁淮流龍起猶驚劍鍾聞已度秋濠梁惜却  
已東下湏悠悠

夜宿水月寺

緝園行落景鴈塔迥齊雲客至軒車寂庭  
鍾漏聞淨心留法鏡禪意布鑪薰向夕聽清  
籟遙知秋氣分

江口曉行聞鍾

秋原列炬殘馬色度江干宿霧迎朝盡星河  
迫露寒冷然鍾磬韻偶到雲林端清漏懷長  
樂聞鷄猶未安

荊山

昔人懷寶地搖落春江前石滿青霞氣山留

白玉煙空餘三獻  
沃稭有寸心  
憐今日迷津  
客狂歌過楚年

長淮舟夜

淮浦何悠悠  
寒波湛不流  
沙明夜色白  
野曠笛聲秋  
楚岸荒蒿遍  
濠橋古月愁  
傷心起雕鴈  
惆悵下汀洲

懷皇甫精膳子安

鳳闕投春別  
淮陽寄遠情  
東風南陌柳  
立滿故枝鶯  
瓊樹愁相向  
瑤琴悵獨清  
湖西三百寺  
春日遍題名

夜過白蓮寺

把燭青巖夜  
維舟白社旁  
雲光浮樹濕  
露氣散荷香  
涼月空門靜  
疎鍾曲徑藏  
悠然學禪寂  
未解令河陽

湖行借野塘

初月前湖靜  
鳴榔比夕同  
樹煙開遠火  
海日

少山草堂集  
射殘紅擊楫吳歌  
如彈琴越調雄長程志  
賞浩蕩若乘空

駕出敬述

馳道天行靜春城帝苑斜龍文浮彩仗玉輅  
引清沙樹映千門日壇敷五色霞懸知冲默  
裏分祀有光華

並城懷古

碣石開重險江城枕上游雄圖山北鞏玉業  
不東流碧草留侯廟荒陵亞父丘晚來橫笛  
起猶帶楚歌愁

過分水關

凌晨逾長坂返旆指分流關路石爲鎮崩巖  
水作溝山川方失楚井陘已通甌征客乘春  
望葱葱煙樹浮

溪上

清溪流不極林際帶疎鐘鳥道連山屋灘聲

少峰草堂石  
三  
落水春漲消新有  
岸雲起本多峰  
愁對猿啼  
峽鄉關煙樹重

桐江泛舟

霽色澄煙渚  
寒聲落雨溪  
舟迎青嶂合  
風散綠蕪齊  
春水潮能至  
深山猿自啼  
如何寇珮  
客時過子陵棲

出塞三首

授鉞指金微  
龍庭葉正飛  
恩光銜日照  
殺氣變霜威  
鐵騎青絲勒  
雕車白鵲旗  
三軍同感  
激百戰耻生歸

其二

萬國防秋日  
天軍西度關  
愁雲連塞漠  
幾日鬢堪斑  
寒析分屯警  
游兵出套還  
誰能吹玉  
笛立馬賀蘭山

其三

獨領嫖姚部  
勅開龍虎營  
英雄初入幕  
輦轂

少壯草堂集  
已專征符至千兵心旌傳萬壘驚男兒取金  
印不 有生平

流河對月

驛路近津橋星河接海遙露塘風折葦沙與  
月平潮遠火渡頭急疎鍾湖外飄那堪淒斷  
夕涼景入寒條

病中移居廣福寺

旅病三秋至禪棲萬慮空殘黃轉槐柳  
翠入梧桐戶暎香床月鍾傳碧殿風寧知塵倦  
跡得憇水雲中

夜坐

獨坐高梧夜晴開池上秋秋聲隨葉散涼影  
逐雲流亂竹低螢度高臺寄鴈愁惟應從此  
老鳴琴臥一丘

秋日病起赴闕

空林長日盡清都  
氣歸樓臺蘇鬱景風壤



少時草堂集  
變初衣病與煩愁上二魂隨上國飛可能猶獻  
賦冠蓋逐輕馳

詠庭蛩

數聲連草色  
滿砌起庭陰  
稍露沿階影  
微妨過履音  
助砧悲月響  
催杼伴燈吟  
最動秋堂夕  
能摧游子心

崔都尉惠菊

已覺群芳盡  
俄驚佳菊初  
散金移貴晚  
分采耀寒除  
照日餘光動  
迎風碎影俱  
自然幽意愜  
清滿子雲居

江上對月

晚江明似練  
新月皓當樓  
清逼驪龍臥  
光疑神女游  
千尋檣影落  
萬壑樹聲秋  
此意冷然會  
乘風天漢流

秋日病中

伏枕惜閑緣  
閑多病臥年  
飛殘秋後葉  
鳴快

露中蟬暗嘯蟲絲結  
木庭鴈影連山人方斷  
酒時把道書

少負生平

### 宿會江

古驛山城外寒江客到稀  
潮平見魚擲葉落聽禽飛  
遠火行人語荒原古渡歸  
徘徊不知夕零露忽沾衣

### 寄任司直少海

列署登台府仙班切禁鑿青雲  
一身達祿筆萬人看海內詞衡重  
長安官舍寒百年交誼在獨見有任安

### 登太白樓

霽景登危堞春風度廣津  
江河猶壯觀臺榭儼遺塵  
東岱浮雲氣南城洳水濱  
鯨飛不可問訪古一傷神

### 馬上暮春

年光漸漸闌催樹  
殘已共天涯盡半隨

征路看梅風乘淺  
雨颺輕寒猶藉餘春  
在飛花伴客鞍

贈袁鍾山之湖州

吳門通霽渚煙水  
晝冥冥幽意多江  
郭清風滿訟庭天  
低太湖樹城對峴  
山亭遙憶登臨日  
看雲眼倍青

贛州群齋對菊

山樓當返照惆悵  
古虔州搖落偏驚  
楚寺華已報秋王  
程堪寄傲風物動  
關愁何事重城警  
征輦日不休

海珠寺宴集

梵宇俯中流岩岩  
海上洲驪珠浮作  
刹蜃彩結爲樓水  
國諸番市風帆四  
顧秋佳辰頻宴客  
蕭鼓起潛虬

杉關道中

地擁松杉密山廻  
澗溪斜鳴鶻驚落  
隼飛蓋

拂輕花星野初分楚雲關悵別家微官何自  
苦汨汨髮將華

晃州人日

節序隨行後乘春得暫回日華光汎水風色  
暗驚梅山翠晴還濕溪霧晝始開停車忽不  
樂徒倚盼高臺

夜至三唐驛遇雪

千山暮雪平秣馬更宵征披嶂疑天曙  
雷崖詫月明行旌分野火哀角起寒更  
莫下啼猿淚終朝白髮生

北河道中

楚郊多寂寞驚眼暮春闌求侶無山鳥同心  
有澤蘭橫江需渡久候館聽松寒漸覺清羸  
疾驅馳力所難

自岳州至漢陽

平生江海志今汎洞庭船白日鯨波湧晴空

少峰草堂集  
鴈陣連岳城朝過雨漢口夕生煙亦得風濤  
趣在歌尊酒前

舟宿鴨欄驛

停橈江渚靜明月散春濤棹響來天際蟲聲  
帶岸臯行藏何日定飄泊此生勞不見芳洲  
綠淒淒遍野蒿

簡陳朗溪庄居

溪山幽絕處中有子雲居課子農爲伴垂竿  
意自如貧惟三畝宅清對一牀書何日春醅  
熟相期郭外車

曉發馬底驛

楚山行已盡蕭颯不勝秋曉角沉荒戍寒更  
咽驛樓雲山徒有興鄉國不勝愁世路馳驅  
甚吾生感四休

清浪舟中

路入武陵西喧流帶五溪附崖多結屋近嶂

漸通犁闕寂時聞磬淒涼忽聽鷄更懷孤泊  
處不禁夜猿啼

置酒

轅門霜月清笳鼓競邊城寒炬搖風色鳴騶  
雜暮聲關山難築塞將士乞添兵此夕酣歌  
罷長驅意未平

過滁陽東張石里在病

平田迷水隩亂靄點山叢黃鳥三春暮青禾  
四野同暖收莎草露香引岸花風寄謝高蹤  
客良辰病臥中

泊豐城

一春常泛梗旅泊又豐城過櫓知天曙聞更  
十雨晴風花忙裏度雲水暇中情白鷺霞標  
映猶疑劍氣橫

曉發五道嶺

懷人過汶水到齊巖寒意蒼茫外秋陰

少山草堂集  
點綴間殘流，涉澗平野忽看山。風景南州  
似勞歌一破顏。

題孤山廟

避世嗟何適，言從東海依山荒。有遺竹地瘠  
不生薇，讓國憊身在。逃名憤世非，西看首陽  
禱。愁絕更沾衣。

且閑堂奉送林肖泉馬鍾陽洪石洲觀

紅梅次韻

小亭梅是伴，素質有紅芳。酒暈微生熊，檀心  
暗作香。臘前爭艷少，雪後散春長。次第看群  
卉，邀君日舉觴。

悶

悶愁不可祛，風絮滿庭除。有業爲生拙，無媒  
涉世疎。閉門荒草合，卷幔落花初。恰憶樽中  
好，那禁戒飲餘。

送諸守谷謫高明無訊老親

少陵草堂集  
直道漫接荒傷心別路長風霜生素髮梅柳  
變青陽且爲彈琴坐終懷去署香猿聲下嶺  
微雲色度桄榔

曉出阜城

嚴城霜月靜村郭曉鍾稀時序冬驅馬行藏  
夜卷衣鳴騶衝鴈度征旆帶星飛河以東川  
隔山從朔郡圍八煙迷古戍雲物辨中畿沙  
色晴銜日松陰薄弄霏鷄聲萬井曙林火數  
家微騎滑防冰坻塵輕識露晞湖關三輔列  
玉帛八荒歸今日朝元會誰霑賜醴輝

憇本覺寺

曲岸招提境殘碑寄水隈空門惟去鳥舊蹟  
有荒苔松響鍾仍度花明葉暗催鵲巢留古  
刹蟬韻拽高槐香篆依燈寂禪心對鏡開堂  
猶三過跡僧憶六朝來洗幘起良悟逃關避  
物猜東林重駐目西越幾登臺勝地頻流玩



少嶠草堂集  
微官豈稱才如何書案吏不得問天台

彭城晚泊游子多懷簡知己

離憂閒更積涉望極通流柳覆春泓暗麥垂  
雲頃秋亂山斜鴈渚積水漱鴻溝扣揖歌仍  
絕乘空劍欲浮新阡帝里是古渡汶陽愁獨  
此淒涼夕憶君淮海頭

邵園燕集

上客乘秋暇佳辰載酒同青門分帝陌玄圃  
自仙功洞亥瓊崖轉泉翻玉澗通聚花如市  
錦柱石類飛虹松檜裁成蓋池塘遶作宮繁  
華秋葉裏景色暮雲中地雜荒苔露林多白  
鶴叢眼前歌舞處懽賞幾春風

春日早朝

合殿薰風轉春陰散杳冥鍾傳飛宿靄樓迴  
帶殘星仙樂颺清陛鑪煙出御屏踰踰金甲  
度隱隱玉珂停雲綴千年樹陽生七葉莫微

臣忝通籍長此奉明廷

還家

東曹初命駕南國喜投身道拙何關世時清  
合有人潘年慚謝病萊服遂娛親蓬長柴扉  
路花迎梓里春地偏稀出入客至懶冠紳采  
藥當三月呼觴任四鄰亭臯閒負策野水坐  
垂綸涉趣如新賞謀生卽舊貧杜門疎鞅轍  
披籍擬心神猶夢槌具佩因風送紫宸

李包二巡壘招飲北園

節鉞觀風暇江山宴容情停車攀蹬入飛蓋  
傍花行鯨海浮南服龍岡壯北城池臺臨水  
動絲管拂雲輕爽氣三山滿霜威六月生猶  
憐懽賞處竹外晚湖清

贈于峰先生守長沙

江漢曾遊地風流良在茲春光隨處愜無是  
晝歸時華綬恩彌重高堂念有期錦城看

駟馬綵服映靈芝  
楚思青楓遠江程  
畫鷁遲芳洲蘭葉滿  
煙渚鴈聲隨城枕  
湘流碧門開嶽麓  
奇花香晴拂珮山  
色曉褰帷蔚彼神  
仙府况君英妙資  
不妨爲政暇訪古  
更題詩

壽師相桂翁

上聖乘元命昌時  
應哲人千年龍馬  
運一德廟堂臣爰  
際河清瑞仍符嶽  
降神赤霄扶日月  
璠鳥步星辰結落  
匡時事遭逢許國  
身直

聲推瓊閣正氣壯  
朝紳讒毀幾拔杼  
丰標屹不磷終焉  
廻睿筮從此受皇  
甄草奏黃扉

夕焚香玉署晨恩  
無銅禁密詔賜錦  
袍新文彩摧時輩  
儀刑振末塵講筵  
披沃屢詞苑

詠歌頌述作逢明  
聖休光邁等倫周  
官司典則春署贊  
明禋秉燭携堂印  
聞鍾入御宸官階  
忻賜玉卿服首頌  
麟日抱蒼螭闕雲  
低紫鳳闈巋然登  
碩輔卓矣秉鴻鈞  
台省榮端

揆天工贊亮寅璿衡調曆象禮樂答穹昊坐  
見三階泰親扶 六御巡諸邊四顧靖一詔  
萬方春黃閣朝朝入龍顏穆穆親飛文時降  
札 賜食每嘗珍禁嵬稱頗牧阿衡擬涓莘  
持兢方切切履盛益聞聞不獨助猷盛無看  
翰墨振揮毫頻對客開閣日延賓賦比曹劉  
逸書驚頡籀籀陳晉裾闕絳座樽俎列文茵命  
世元無忝生賢亦有囚青華探秘籙紫氣霽  
仙輪弧矢英雄慄風雲甲子臻金芝呈桂圃  
寶笈度玄津紆直衷彌赤殫心髮未銀起居  
聞外國壽考庇斯民望屬裴公重憂懷范老  
真直將年比石願以德爲鄰恩也沉冥士叨  
逢剪拂仁驥群慚附足荆璞謬收珉共祝瑤  
池實長依滌圃椿更占蘭玉慶嘉祉自天申

滄州贈曾守龍崗

渤海稱雄郡衡漳接上游故人爲傲吏高興

復滄洲地向風煙今年豐禾黍稠褰帷時按  
縣岸幘獨登樓念我乘槎客相過瀛水秋九  
河新雨漲五壘野雲愁媿乏瓊芳贈惟懷白  
璧酬因君寄疎散一爲客程留

郡齋春日

郡齋當暇日况是武陵春花卽仙源種溪疑  
迷路津猶叨山小地暫釋市朝身臥迹淮陽  
似高風親首郊庭燕閑牧馬山鳥靜窺人幽

興驅無奈攤書鶴洛濱

郡齋秋懷

江郡本牢落那堪秋氣悲試看池上樹蕭颯  
涼風吹簡書忻暇日場圃趁秋期意與雲山  
會身爲簪組羈羞稱黃霸屈似厭尚平遲感  
此授衣候條然閉閣時灰心從蹇滯綿力畏  
驅馳空有蓴鱸念沉冥費所思

暮春齋居

在公了無日擾擾晨昏間偶爾窺籬落不謂  
春已還養疴聊退適琴尊遂相關鳴鳩古城  
晦落英蒼蘚斑惟有松筠在誰爲桃李顏持  
此鑿消息忘情任阻艱芳蘭饒楚思何當賦  
幽閒

至昭潭

乍艤昭平棹言登鎮粵臺軍聲諸部肅詔諭  
百蠻來建節清煙霧營屯關草萊戰艘依野  
泊關鏢迨晨開水岸千家引山城萬角哀按  
圖多廢壘覽勝有荒苔擐甲驚衰病紆籌媿  
淺才書生尊俎上今日効涓埃

暮春

冉冉春歸盡春風魂夢中百年如過隙轉眼  
一春空本謂歸閑樂人閑亦不同謀身畢箕  
穎厭世學喬松華髮旣盈顛金丹未可逢鵬  
遊搏八極鷗息其一叢廊廟久無媒壯心付

冥鴻覽古俱陳迹  
懷人逸高風  
賢愚等杯土  
大化竟難窮

江淮途中作

客行何日定  
聊得罷川程  
秣馬臨江邑  
飛鳧候潁城  
青山官舍靜  
黃葉楚墟平  
故郡千家  
發行帷  
后雨輕  
逍遙趨遠地  
潦倒媿平生  
幕下開新化  
尊前埽素盟  
調琴民訟息  
鑄劍俠風清  
期作潯安縣  
終傳子賤名  
笙歌和里曲  
几續謝塵嬰  
由來高臥吏  
抱膝待公卿

七言律詩

省中秋懷簡榕江霖原

端居忽忽欲深秋無事公庭歲月幽每愛雲  
山聊客病那禁風雨亂羈愁塞鴻避地悲聲  
切省樹迎寒落葉稠賴有同懷共鄉井暫時  
樽酒慰淹留

途蔡白石赴留都

秣陵雲樹鬱葱葱才子乘春眺望中二月鶯



花催別棹兩都詞賦羨高風  
乞閒猶抱江山癖  
經世還看尊俎功  
漫說遭逢思報稱  
十年郎署與君同

病中懷書一首

淮南旅病不勝情  
風雨濤聲散郡城  
隱几看花收客淚  
長吟拊劍說平生  
傷神物色春無賴  
去國煙波渺自行  
祿食且爲江海吏  
覽時徒有壯心驚

淮陰贈王筆峯先生

幾年旌節駐淮陰  
爲見風流刺史心  
五馬湖邊春草綠  
數峰江上暮雲深  
花原晴日褰朱旆  
郡閣潮聲雜素琴  
撫牧卽今形勝地  
况逢知己話山林

仲秋放舟祀龍王祠一首

漾舟張樂出江潯  
殊勝忻傳潁水陰  
蘼踏絃歌催晝舫  
蕭條氣色變青林  
烏啼古廟秋花

落龍去徵潭  
既鏡沉返棹  
更尋黃菊興  
登高  
遙寄紫芝心

病起過龍洲寺

病起出門秋  
日明香林  
新雨早涼生  
槐枝拂  
院蟬驚響  
荳葉滿畦  
蟲暗鳴  
吏隱滄洲  
聊謝  
客行歌  
初地愛  
迓名曲欄  
高檻花開  
遍幾樹  
庭前木槿榮

重過三過堂

青臺秀色俯晴川  
紫閣危標敞曙煙  
三度柴門人不見  
千秋祠廟世知賢  
香風吹滿仙巖  
桂曲岸斜披錦渚  
蓮政暇尋芳多古意  
幾迴心賞學安禪

駕幸山陵

六御宵嚴羽騎催  
五雲高映寢陵開  
宸游帳殿依山列  
日照樓船泛海回  
草樹銜恩多景色  
泉流飛拱故縈迴  
遙將嵩嶽齊遐筭  
天作

岡陵鎮王臺

曉發浙江驛

越王臺榭枕平堤  
堤畔煙波望欲迷  
潮勢翻江疑躍馬  
漏聲苦雨不聞鷄  
衝簾燕度青泥濕  
夾岸花飛綠杳齊  
長路看山春正好  
况逢晴日竹林西

春情

雕欄珠箔澹池塘  
旭日鶯啼出洞房  
初服已從纖綺便  
新粧猶帶宿花香  
闌闌百草遺金釧  
彈罷孤桐倚玉牀  
更道春宵閑吹笛  
相將明月舞鸞凰

江門春日

山閣叢陰俯大江  
江帆水樹遠微茫  
潮侵釣石鷗還立  
巢護新泥燕自忙  
攔竹倚風凌亂起  
巖花拂露參差光  
野人不記韶年至  
只訝林丘暇日長

水口羅丹夜東石沙侍御

遙溪青藹帶晴曛金鼓津樓值使君  
花染舊袍添作繡風生飛蓋散如雲  
星槎把燭寒塘靜夕漏催觴去  
鷓分知汝漫窮山水趣早憑  
詩思發清芬

送憲副張西墅赴陝

青霄節鉞下咸京漢水秦關攬轡行  
舊日內臺推執簡早時邊塞盡聞名  
驛樓閒聽秋山笛戍鼓晴登列郡城  
經畧知君應不淺直看  
尊俎主籌兵

初入南宮書懷

幾年江海隔宸楓華省簪裾此日同  
戀闕真如瞻北極彈冠猶喜列南宮  
清時才薄能容拙散地官閑易省躬  
午漏漸催人吏靜鶴鳴松院起天風

江上送秋

水國新秋動客愁，滿江風露漾清流。  
孤城砧杵千家月，獨樹關河一葉秋。  
沙鳥近人煙淡，漁舸閣岸荻颼颼。  
十年漢署成何事，南北驅馳已倦遊。

白苧道中

寒雲落葉見秋容，客路間關思已慵。  
石磴槎難度，馬空山長日只看松。  
家家引竹分泉溜，處處因灘作水春。  
欲訪玉華仙隱迹，清谿遙望隔芙蓉。

過都城鄉簡總制半翁

詔捧天恩下百蠻，殊方風物倍愁顏。  
瘴烟不辨山川色，戍鼓頻過斥堠間。  
潭水靜搖千尺浪，峰巒密作百牢關。  
元戎開府能籌筭，秋日旌旗大野閑。

使東廣還

辭燕適粵任風塵，且喜東還及早春。  
去國多

爲平子計謀心仍歎馬卿貧林間採藥時忘  
返屋後登山不厭頻更道柴門新水至呼兒  
覓伴去垂綸

山中聞轉官

伏枕忽傳新命至自慚多病報恩身柴門對  
客翻驚別此日看山似愴神鶴侶南宮清入  
夢花辰東閣倍含春卽催行卒隨新水池上  
鷗群已背人

曉發南坪

沅湘春草遍江堤旭日晴蕪散馬蹄極浦帆  
檣乘漲入近村鏡鼓勸耕齊人烟廢井荒年  
恨、菑社芳洲水國迷不盡悲涼眼前事重傷  
三戶益淒淒

大別山小集偕茅少塘沈夷齊

全楚烟霞四望通龍騫鶴峙竝西東風生漢  
口帆檣動水遶江城雉堞雄蒲葉蘭英湘浦

少陵草堂集  
暗夕陽飛鳥洞庭空山川形勝從今古併入  
樽前感慨中

游武陵諸寺東府中諸僚

一麾叨借朗城游又見桃花沅水流上苑音  
書遲鴈到舊山須鳥伴雲愁府僚旌蓋乘春  
發山寺壺觴竟日留更道衡湘有佳興賞心  
遙對郡前樓

發東湖驛

湖南湖北氣蕭蕭幾處清霜上柳條客路慣  
驅三楚旆歸心遙寄九江潮波中漁唱隨風  
遠樹裡蟬聲帶葉飄長日簿書愁不遣每  
行後輿徧饒

郡齋即事

鴻鴈蕭蕭下遠天江城寒菊艷霜前五溪  
堠風煙暝三楚關山羽檄連淺薄慚非尊俎  
累棲遲終乏市朝緣莫言霄漢多青眼一  
斥

遺荒便歲年

獅子岩燕集

海國春深半落花  
偶逢勝地玩芳華  
松關香送僧  
絮引蘿逕陰生佛  
閣斜黃鳥好音流  
座榻碧山飛瀑柱  
雲雷乘閒終媿牽  
簪組歸去滄洲覓釣槎

行臺暇日

山城盡日閉行臺  
靜對圖書愜素懷  
自是

廟廷多遠畧敢云  
等俎有微才  
侵尋秋色千峰映  
繞檻繁花四序開  
拙病頻年知己少  
秋風不見北鴻來

秋日昭潭調兵

翩翩旌旆發轅門  
鼓角聲中衆不諠  
氣肅金飈飛宿靄  
日迷畫戟耀寒原  
雲山故壘看無盡  
霜鬢新秋覺漸繁  
聞道前驅連度險  
分明勢已奪昆侖



建溪寒食

花滿山城著雨消今年寒食倍無聊滄江目  
斷勞飛夢魏闕天懸滯使輅林外晝昏驚暮  
笛馬前春漲怯危橋羞將山海衰癯質重整  
簪裳入聖朝

臨淮書感

濠梁一別十三秋尚憶馳驅少壯遊飛鳥早  
時來賴水揚鞭今日渡淮流河關江郭浮王  
氣古隴花田變古丘獨立蒼茫意無限晚風  
吹雨暗津樓

過杉關

一冬行後再辭家慣逐瀉泥雲水涯山店亦  
昏諠過虎溪林欲雪亂棲鴉閒身乍覺官如  
縛壯歲還傷鬢有華迴首白雲長在望關門  
遙隔楚鄉斜

紫雲道

少師草堂集  
聽雨忽疑幽澗滴踏泥行盡楚鄉春鶯花寂  
歷驚時暮山水縱橫入望新松屋鳴縑煙出  
戶秧田荷鋪雨隨人乍晴乍霽清和節到處  
停車酌酒頻

九龍道中

滿耳溪聲兼地籟  
霑衣花雨雜嵐霏  
市橋  
菓楊梅熟山驛供  
蔬荀蕨肥  
歸路漸諳鄉語  
近倦游已覺世情非  
故園舊侶無多在  
遲我携竿上釣磯

青州閱武陪雍麓  
原侍御周澱山牟東  
江上兵憲

馬嘶鏡發簇雲旌  
壇外青山柳外營  
柱史行秋時按轡  
群公專鎮坐籌兵  
乾坤海岱眞殊勝  
齊魯英雄本擅名  
聞道西南多戰壘  
傷心遲暮負生平

遊靈巖寺

少嶺草堂集  
巖前草樹冬猶碧  
洞口煙霞午未消  
隱隱經聲來院落  
泠泠笙磬徹雲霄  
金仙羽化袈裟  
在丹井香浮錫杖  
遙更欲探竒登絕  
頂楞峰深處訪松喬

寶剎琳宮映上方  
松風椒露送清香  
五花殿迥丹青古  
雙鶴泉深水月涼  
樓上鼓鍾聞海嶽  
僧中衣鉢自隋唐  
招尋不負山靈約  
忘却公程數日忙

湘潭懷古

觀湘樓上瞰湘流  
三楚風煙正素秋  
帝子清音悲寂寂  
孤臣哀憤竟悠悠  
江空野曠雲長歛  
木落沙寒鴈不留  
今古銷沉只如此  
一觴聊爾賦登樓

中丞劉凝齋招飲樣樓

山城笳鼓動旌旄  
樓上開尊逸興豪  
選勝不辭登眺遠  
邀歡寧得勸酬勞  
千峰花氣來香

少峰草堂集  
雨萬松風散翠濤靜鎮知公多暇日勲名  
那數峴山高

生晨口述

早向名山問薜薇也隨時輩着朝衣一官省  
署今稱亞七袞光陰古亦稀南畝課耕傷歲  
歟西曹振珮忝恩輝迂疎幸厠耆英後卜勝  
扶哀興不違

元日簡林肖泉

投閑已杜市朝緣猶祝華封萬里天野憂無  
端懸魏闕餘生有幸際堯年鴻泥舊迹流漸  
外林壑微光落照邊欲擬芳菲在飛蓋杖藜  
隨處醉花前

飲馬鍾陽園亭次林肖泉韻二首

背郭林塘十畝寬初晴景物釀輕寒翠亭環  
水縈芳芷綠鷁乘颺蕩碧瀾入饌銀絲誇細  
膾當筵朱實薦雕盤風流冠屨真奇會留作

三山畫裏看

一尊聊對水亭幽更有仙棹橋外浮論交何  
異伯仲季比德實慚風馬牛往日楓宸隨珮  
履歸來花甲竝春秋佳懷勝景好時節秉燭  
不妨清夜遊

排山驛曉發

山樓吹角送秋聲露濕寒蕪日未平宿霧開  
遲宜晚霽脩林歷盡闕天清漸傷華髮驅馳  
怯憶別滄洲夢寐驚十載廟堂三迪問少間關  
應有粵西行

胡樂山太守招飲回鴈峯

一曲清湘枕萬家孤峰突兀插雲霞天迴鴈  
陣山如隔地隱龍宮樹半遮總檻欲吞靈嶽  
秀松杉遙帶郡城斜客愁到此都銷盡把燭  
移尊興未涯

蓮花菴偕趙在野夜賞海棠

嫩綠初齊宿雨乾春光透入海棠寒  
猩紅半吐臙脂蹙霞彩紛鋪錦繡團  
照耀有神如睡足輕盈無力似開難  
幽芳不識君知否莫作東風艷麗看

留省病中書懷

惆悵看春花亂飛寧堪臥病歷芳菲  
閒曹衰晚能容拙故國凋殘未易歸  
謝事每慵隨省印望雲直欲卷朝衣  
鍾陵勝迹繞心賞煙雨

淒淒興又遲

康礪峰林肖泉小集次韻

八座曾隨劍履行歸來鄉社重關情  
邀歡每恨賓朋隔憶別俄驚節序更  
多病蚤年辭鳳闕閑心盡日付鷗盟  
玉堂詞客能傾倒秉燭看花眼倍明

簡林肖泉病中

經旬高臥意何如數向柴門問起居  
沈約清

標綠病瘦蔣生幽癖與人疎澄心莫誤貪禪  
寂閉戶翻疑愛著書愁絕小亭蘭桂發邀君  
一醉竟成虛

中丞嚴克齋邀飲平遠臺

中丞英畧善籌邊海國消兵自晏然禪境重  
開雲外閣華筵坐暎洞中天風流峴首高蹤  
後酩酊齊山落照前欲歸嗟峨鰲頂石頌公  
功德耀千年

送蕭給事使琉球

殊方封册 聖恩頒暫輟仙垣侍奉班玉節  
金書將萬里彩帆畫舫別三山扶桑日湧旌  
麾動瀛海風恬鼓吹閒百怪盡消天水濶知  
君逸興臨區寰

送謝繹梅大行使琉球

峽門風細海波平簫鼓樓船五兩輕碣石煙  
花晴綺彩扶桑日影夜生明夷王拜舞迎封

册島谷歡呼望使旌乘輿恍然歸棹速啣恩  
玉階羨君榮

送中丞趙寧宇赴鎮

百粵乘心仰盛名三山開府比長城每從尊  
俎窺清暇始信籌邊有甲兵兩汛風恬鯨浪  
息五營士飽馬蹄輕霜威度海寒夷島露布  
披星達帝京共道廟堂嘉偉畧重巡畿輔賴  
經營漁陽代鼓千山振孤嶺移屯萬壘驚德

燕裴公無量雅猷如方叔况年英疆場事劇  
勞開濟鍾鼎勛成見太平岳水潮生催去棹  
蘇門秋早望行旌山林遲暮懷知己不盡河  
橋悵別情



三公詩集合刻敘畧

先高祖太守公詩集十二卷刻于萬曆癸未

先輩 王公雲竹

蔡公青門業序以行向

所謂人瑞集者是也惟先曾祖司徒公先祖  
司空公編帙散矣蒐輯爲難又司空公生平  
簡澹雅不問身後名家庭間亦每以驚名爲  
戒故林居二十載足跡不至城郭間有賡酬  
舊藁亦鮮有存者願獨十家所藏書冊鉛殆

遍賞心之下皆自作小楷詮註其旁垂老不  
倦也不肖慎不及事太守與司徒而追隨司  
空公膝下視諸昆最久時時爲慎道外祖

鄭繼之先生與太守司徒公所爲砥行績學  
之訓欲令精神鞭策向內慎何敢忘勿論拙  
訥性成不敢違公訓作噉名舉止即使離跂  
徵逐而碌碌半生寧復有片長可以賈譽者  
獨念高曾時風氣淳厚其一時之交遊聲燭

宜可以僥得名矣而自視常有冲然之意卽  
司空公之始終一節視人世可驚可豔之事  
無一足動其心者其堅凝靜篤皆有本源廻  
思疇昔所提命慎有負先德多矣憶辛未歲  
鐵羽南還侍家嚴北嶼山中偶簡舊麓得司  
徒司空詩各數十首然皆編殘簡斷無復倫  
次遂以家嚴之命請

鳳林孫先生較定各得十之二三四迨癸酉夏

秋間而

鴈澤曹先生亦收之石倉詩選中雖其間互有異同然而手眼各出兩先生表章之功均不可忘也向以俗溷因循未及授梓適姑丈五溪周先生還自姑蘓謂詩集亦先世精神所係不宜久令湮抑而太守公舊帙頗繁

鳳林先生因併爲遴次遂合刻之太守公仍以人瑞集名篇司徒司空則因所居少峯草堂與碧麓堂之舊額從先志也惟是司空公尚有奏議六卷所存文集亦數卷太守公諫南巡諸疏與司徒公撰著各若干篇彙梓未遑敬以需之異日顧自念偃蹇公車行又且僕僕長安道上竟未知此生作何歸宿遺訓猶新芳徽未遠慎能無竦然汗下哉刻成聊附此以志蒐訂因緣與夫授梓歲月亦以見三公精神之所係云爾若夫採摭存雅之餘

因而論世則有諸名公誌畧與孫周兩先生  
之序在

崇禎丙子端陽日不肖孫慎百拜謹識



